

『元亨釋書』18 願雜3 尼女 善信尼

善信尼。司馬達苒之女也。敏達十三年十月。從慧便出家。同伴二女共薙髮。一禪藏。梁人夜菩之女。二慧善。錦織壺之女。大臣蘓馬子營精舍。迎三尼供養。用明二年。信白馬子曰。出家之人以戒爲地。願赴百濟受戒學。崇峻元年。馬子付言百濟使。求法發遣。三年春。信苒三尼自百濟歸。住櫻井寺。

贊曰。東漢阿藩。只受三歸而爲震旦尼之始。至劉宋。鐵索羅自師子國來。慧果尼初全戒相焉。信等爲本朝之潘。羯磨過之。學師子之鐵索。跨越慣之。以婉柔之姿。奮決烈之志。又不止劉頻之所記而已。